



U ponedjeljak, 02. Decembra u Vitezu i Travniku su na posebnim sjednicama Općinskih Vijeća predstavljani rezultati projekta: Studija smanjenja gubitaka vode u pet općina uključenih u projekat regionalnog vodovoda Plava Voda (EU projekat Podrška projektima infrastrukture na Zapadnom Balkanu (IPF 1) dio WBIF).

Projekat su implementirale kompanije: WYG International i IHGF Sarajevo. Osim ove dvije općine projekat je implementiran i u općinama: Novi Travnik, Busovača i Zenica.

U okviru rada na projektu koji je završen krajem prošle godine u svakoj od općina je:

- Utvrđeno postojeće stanje distributivne vodovodne mreže,
- Predložena strategija razvoja katastra podzemnih instalacija
- Izračunat vodni balans (pristupom od dna prema vrhu)
- Identificirane i prioritizirane mjerne zone
- Sprovedena studija detekcije curenja u jednoj odabranoj zoni u svakom od vodovoda,
- Osigurana teorijska i praktična obuka (na licu mjesta) osoblja komunalnih preduzeća vezano za korištenje opreme za detekciju.
- Izvršena kvantifikacija gubitaka vode i pripremljeni kratkoročni, srednjoročni i dugoročni programi mjera za smanjenje gubitaka vode u sistemu.
- Određeni troškovi rekonstrukcije uz pripadajući premjer i predračun radova.

Zvanična prezentacija ovog projekta je održana 30. Oktobra, 2013. u hotelu Holiday u Sarajevu, na kojoj su načelnici općina Vitez, gospodin Adnan Akeć, i načelnik općine Zenica gosp. Husein Smajlović zamolili da se ista prezentacija održi i za općinska vijeća u njihovim općinama. Istu molbu su naknadno uputila i ostala tri načelnika iz općina koje su predmet ovog projekta.

Prezentacije u općinama Vitez i Travnik je održao gosp. Zvezdan Koldo. Prezentacije u ostalim općinama su održane ranije i prezentirao ih je gosp. Branko Vučković.

 

 